

unnd der gnante unnsere vortar erzbischoff Gunther vor sich unnd seine nachkommen unnd stift zu Magdeburg furder dasselbte dorff Dodendorff mit allen seinen gerechtikeiten nutzungen und zuebehörungen nichts ußgenommen dem gnanten closter zu Berge genczlichen vereigent und sich aller gerechtikeit unnd eigentum doran verzigen, uff eynen widderkowff verkowfft unnd den wirdigen unnde geistlichen herren dem abte priore unnd convente des gnanten closters Berge den widderkowff doran zuegestatet unnd vergunst hat, nach lawte unnd vermeldunge der brive deshalben unnd dorüber gegeben, unnd wir sollichs nicht underrichtung noch wissens gehabt unnd dieselbten ierlichen zinsse unnd renthe zu Dodendorff mit sampt dem dorfe Westerhußen von den gnanten Hannsen Lindaw unnd Conen Roden seligen erben widderkekowfft unnd die widderumb ern Balthsarn von Slywen ettwan thumherren unnsere kirchen zu Magdeburg seligen unnd seinen testamentarien uff widderkowff verschrieben haben, unnd als wir nu der dinge das der widderkowff der vorgeschriebenen zinsse unnd renthe zu Dodendorff dem vorgedachten closter zu Berge wie vorstehit zuestehende gewest ist in gantze eigentliche unnd wahre erfahrung unnd kunde kommen sein, wir dem wirdigen ern Andreassen abte doselbs zu Berge, unnsere liebenn andechtigen, unnd seynem closter vergunst unnd zuegestatet haben die obgerurten zinsse unnd renthe zu Dodendorff von des gnanten ern Balthsarn von Slywen testamentarien widder abzuekowffen unnd zu sich zuebringen, das er also gethan unnd die zu sich unnd seynem closter also von des gnanten ern Balthsarn von Slywen testamentarien widdergekowfft geloset unnd bracht hat, das wir nu mit wissen willen und fulbort unnsere capitells zu Magdeburg die obingeschriebenn ierlichen zinsse unnd renthe zu Dodendorff dem obgnanten ern Andreassen abte unnd seynem closter zu Berge widder zueigent und verschrieben unnd sie der in eine gerugliche gewehre gebrawchunge und besitzunge geweißet unnd vor uns unnd unnsere nachkommen aller gerechtikeit so uns der wes doran zuegestanden abegetreten unnd uns der verzigen haben, vereigenen und verschrieben yn die unnd weißenn sie der auch in eine gerugliche gewehre gebrauchunge und besitzunge unnd abetreten unnd verzueyhen uns auch aller gerechtikeit wie vorberuret in crafft diesses briefes, so dass sie dieselbten ierlichen zinsse unnd renthe zu Dodendorff nu hinfürbas zu ewigen zueiten als des closters eigentum haben besitzenn unnd der nützlichen genyssen unnd gebrochen sollen und mogen vor uns unnsere nachkommen erzbischove unnd eynem ydermann ungehindert unnd des zu bekentnisse haben wir unnsere ingesigell vor uns unnd unnsere nachkommen erzbischove an diessen brieff thun hengen, unnd wir thumprobst techandt unnd capitell der kirchenn zu Magdeburg bekennen auch uffinbar mit diessen selbten brive, das die obingeschriebenn verschreibung unnd alle unnd igliche stücke puncte unnd artikele diesses brives mit unnsere wissen und fulbort gescheen sindt unnd des zu orkunde haben wir unnsere capitells ingesigell bey